

欽定戶部漕運全書

欽定戶部漕運全書卷二十六目錄

選補官丁

查倉運丁

查僉運丁

一定例僉派運丁閒丁舍餘同僉領運至護衛

之軍丁既係衛所內額軍如果殷實卽當僉報

倘備弁徇庇不僉該督撫卽指名題參

康熙二年

一湖廣省各軍丁不論城屯與班營等軍凡有

殷實一併僉運

康熙三年

一江西省衛所屯丁有充潯鎮塘丁原係借差

避重盡行撤回一例僉運如有奉行不力卽指

名參處

康熙四年

一衛所中倘有不法棍徒濶以民間富戶與遠年絕軍同姓者強扯幫貼總漕督撫嚴查叅究

康熙四年

一究革屯丁鑽營復運在幫把持夥告夥証種種不法該管各官不行嚴禁者指名題叅從重

議處

康熙五年

一湖北現運旗丁外尙剩旗丁七百餘名康熙九年部議應卽以湖北之丁移運湖南之米

一僉報運丁有窩弁巧借備運名色訪本衛殷

實餘丁百計需索者令各糧道嚴查果有缺額
飭將殷實之丁坐名覈報既覈之後不得妄報
新丁亦不得受賄更換如有此弊該督撫嚴查

題叅

康熙九年

一運丁赤貧無賴積年欠糧者總漕查明革退

另覈殷實之人頂運

康熙十年九年

一旗丁不許投竄別差倘有躲運投旗隱漏不

報者總漕卽行題叅

康熙二十二年

一各省衛所運丁舊例每船自十名至十二

名不等康熙二十五年題定每船額設十名各省一例食派江興二衛因無屯田額設十二名一旗丁不正身押運以子弟代運者定例將旗丁及代運之人俱發邊衛永遠充軍康熙二十六年題准將承派之衛守備罰俸一年押運丞倅罰俸六個月領運弁員徇私不行察出者降一級調用

一漕船出運原係僉丁一名雇募水手九名今以數軍朋管一船易致推諉應仍照舊例每船

僉選正身殷丁一名其餘名數總以身有家屬
撐駕諳練之人充當如該管官縱容以無賴之
人濫充者查出卽照例叅處

康熙三十五年

一各省僉丁親僉責在糧道舉報責在衛備用
舍責在運弁保結責在通幫衆丁一丁無保不
准著運一丁有欠衆丁賠還康熙四十四年奏
准嗣後責成各衛領運官自行遴選如有掛欠
并僉丁之官一同治罪

一各省僉丁領運舊例責成各衛運官自行遴

選康熙五十一年題准僉選運丁必須千總保
結呈報衛備府廳等官驗看加具印結如有掛
欠將各官一併叅處康熙二十五年題准江西
省屯田悉歸州縣管理其僉選運丁卽責令州
縣保結康熙五十三年題准湖廣省僉丁責成
衛備其廳府道各官照舊驗看加結雍正八年
題准各省衛所於糧船未經抵次之先務選殷
實旗丁秉公結報驗看註冊俟糧船回空查明
領運之丁有犯事故者卽將註冊丁名勾補倘

僉選不實或賣富差貧者仍將經僉驗看各官
照例查叅

一糧船回空僱募頭舵水手如中途遇有事故
更換押運官弁移行該地方官選擇土著良民
充補仍照例取具冊結加具印結申報不得沿
途混行招募

康熙六十一年

一僉選旗丁將花名分晰新舊聲明何官僉委

造冊送部

雍正元年

一漕船出運舊例僉丁一名其餘水手九名僱

覓有身家并諳練撐駕之人充當康熙五十一年題准每年於本丁兄弟子姪內再派一丁隨運如抵通掛欠留一丁追比一丁駕空回南如重運到淮短少令一丁駕運北上留一丁買米趕幫康熙六十一年題准糧船回空額設副丁務須親身押回其僱募頭舵水手取具互保各結報明該管官存查雍正三年題准各省幫船僱募水手頭舵責成衛所及押運員弁令前後十船互相稽查併取正丁甘結十船連環保結

一船生事將本船旗丁照例治罪十船連坐其糧道及押運等官沿途稽察并許地方官會同查訊倘有隱匿不報者總漕察出一併題叅若總漕不行題叅別經發覺者將總漕一併交部嚴加議處

一官舍餘丁定例凡有身家殷實堪以充旗者竟行勾僉以十名爲率舍二軍人著爲定額其各衙門書吏官承及生員餘丁悉行僉選雍正六年奏准除文學生員專攻舉業者准其優免

外其捐納之俊秀貢監及武生均一體僉運如武生遇歲試之年呈明學臣運回補考

一沿途短絳聽旗丁臨時酌量雇募沿河地方鑛備等官加謹巡查匪類并將短絳夫役俟糧

船過完驛散回籍

雍正八年

一正副旗丁赴次交兌如有革丁竄身入幫不論生監即行拏交地方官究治運弁疎縱一併

叅處

雍正九年

一有頂戴之丁干犯漕規照運丁例一體治罪

乾隆
五年

一定例運丁不正身駕運者將僉丁之衛備罰

俸一年運官不行查出降一級留任隨幫知而

不舉照應申上而不申上律議處

乾隆七年

一江淮興武二衛運丁每有竄入黃快船內躲

避僉運之弊乾隆三年奏請立法稽查以備勾

僉嗣經題定快丁一項仍歸民賦項下辦理將

現運及備僉餘丁逐一查明每戶下註明子孫

弟姪若干及居住州縣都圖鄉鎮五年一次造

冊送部查考如有隱匿察出將該丁按律懲究

衛弁照例叅處

乾隆八年

一各衛幫更換新丁如在同空抵次未經開兌以前該衛統於開兌時將額運船隻丁名註明原甲更僉之丁於該丁名下摘敘更僉事由聲明出廠年第彙冊送部備查倘冊報之後再有更僉卽隨時專案報部

乾隆十四年

一蘇州松江常州三府白糧運丁向例在通省船內抽選僉運五年限滿更替乾隆十六年題

准定以三年抽調一次

一湖南操軍乾隆二十一年經總漕胡寶題請
勾僉部議操軍自有漕以來未經出運一旦清
查勾僉不無繁擾未便准行

一江西省南昌等衛所軍丁老戶及新生軍丁
戶口徹底清查酌定四年編審一次毋許脫漏

隱匿

乾隆二十三年

一新僉旗丁祇令認蓬桅槓索價值至舊丁所
欠茶果個兒錢等官項應於舊丁名下著追一

年不完卽令原領運千總賠還如係私債悉聽舊丁自行清理不許勒令新丁接受如有違犯

一經查出將扣勒之備弁卽行叅革

乾隆二十三年

一旗丁潛逃該運弁卽報衛移縣該縣衛俱以

文到日起限選差兵役限百日內拏獲如逾期

不獲將專管之衛備罰俸一年協緝之州縣罰

俸六個月其有僉丁卽係州縣將專管之州縣

罰俸一年

乾隆二十三年

一江興二衛運丁貧疲逃竄入快難以溯本窮

源查運快係前明所設操兵原無分別乾隆二十三年奏准黃快之丁俱令各州縣造冊呈送糧道衙門存案如係幫船缺丁一運一快挨次輪僉倘有報僉不均及賣富僉貧等弊照例議處一湖北未歸運之班操等軍乾隆二十四年經巡撫莊有恭奏請一例勾僉部議應照湖南之例一體停其勾僉

一蘇州太倉鎮海鎮江四衛應令該管衛備將軍戶根底逐一確查如有現今呈控是民非軍

之案卽會同州縣逐細查明詳報以清根底其各衛軍戶無論運屯均以老軍冊內爲張本分晰兩項造具管收除在四柱清冊一本丁戶實在姓名清冊一本通報備案一面出示曉諭凡有成丁人口從前隱匿未報入冊者自首免其治罪並取該戶族長無匿甘結存案如有隱匿本人族長一體按律究處其滋生新丁年至十六歲者報明入冊該衛於歲底造報糧道知府以憑查兌辦運如有間丁病故卽隨時報衛註

冊五年一次編審倘該衛造冊清查之時有奸
丁狡賴脫籍者照例治罪縣衛均以失察查叅

乾隆二
十四年

一江安所屬江興二衛軍丁定有五年一次編
查之例其餘各衛丁可隨時清理毋庸重複繁

擾

乾隆二
十四年

一東省運丁仍照舊例每年令閒運千總清查

五年一次編審以免脫漏

乾隆二
十四年

一湖北武昌等六衛所同軍名下戶丁并已歸

運之班操城舍等軍乾隆二十四年奏准責令武黃襄德四府同知將老戶及新生軍丁戶口并各丁戶下屯田若干坐落坵段徹底清查造冊分送戶部總清備查併令嗣後四年編查一次

一協運豫省漕糧通州天津各幫丁乾隆二十四年奏准四年一次編查造冊定於十月內詳送咨部

一逃丁並不在僉丁官地方居住必須關查協

緝者卽以僉丁之廳州縣爲專管該逃丁本籍

之廳州縣爲協緝分別議處

乾隆二十四年

一湖南所轄荊州荊左荊右沔陽岳州五衛並無城舍等軍名目其岳州一衛軍丁運操一例勾僉所有各老戶軍名向係按船派定乾隆二十六年題准將老戶名下新生丁口及各屯業坐落坵段執業數目責令荊安岳三府同知四年一次編查造報

一軍丁值當僉選之年無論大小衙門書役官

承俱一體勾僉如己身在公不能出運令子弟
承頂概不得藉詞抗避該管官亦不得曲爲庇
護其承充書役令該州縣查明是軍是民出結
詳報以憑僉選如有衛籍冒稱民籍者將朦混
出結州縣照例議處

乾隆二十六年

一湖廣向例丁由衛僉而湖南徐岳州一衛其
餘係湖北之丁運湖南之糧各衛備祇管僉丁
並不出運視僉丁一事爲無關緊要任聽書吏
作奸舞弊或無賴之徒鑽充或已革之丁更名

復入或包給舵工或中途潛逃乾隆二十七年
奏准湖南各衛如僉定之丁中途脫逃將承僉
之守備降二級調用雖有加級不准抵銷

一旗丁不論重運回空如有中途潛逃者除再
犯三犯仍照律分擬充軍絞罪外其初次潛逃
之丁拏獲杖一百枷號一個月滿日重責四十
板仍於面上刺字交與各本衛管束

乾隆二十七年

一旗丁捐納縣丞以下等官俱係在籍候選人

員仍僉出運不准更替

乾隆二十八年

各省需丁俱於回空後更換預選聞丁註冊之處概行停止遇有臨期僉換各丁仍嚴飭各衛所慎選殷實旗丁秉公查驗結報毋許吏胥抑勒滋擾如有查驗不實卽行照例叅處

乾隆二十年

八年

一凡隸軍籍富戶紳宦之家如本戶有人可以駕運暫緩僉選倘丁力已疲實須另僉卽徑行僉報如捏控狡辯一經審虛富戶按律治罪紳

宦題叅治罪

乾隆十九年

一各省每年出運船隻照例會定股丁卽於開

幫冊內將現在正副丁名於該船名下分晰註

明毋得朦混造報致滋弊端

乾隆三
十年

一各衛將會定正副丁名務須早爲造報分晰

註明更僉旗丁一俟詳送開幫文冊題報後卽

行趕造咨部

乾隆三
十一年

一蘇松糧道衙門造送蘇太等衛出運正副丁

名等款准其停止加結其弁丁經造認保各結

仍行取送

乾隆三
十三年

一大河衛三幫撥運常州府江陰縣白糧旗丁張以屏病故援例將原丁之弟張以翰接頂兌

運白糧俟足運後再行抽調

乾隆三十四年

一旗丁須覈家道殷實之人令千總保結呈報府廳驗看加結如有掛欠將保覈官降一級調用一清掛欠府廳等官罰俸一年糧道罰俸半年幾幫掛欠照此遞加如將丁冊無名之人混行覈補將覈補之州縣官罰俸九個月

乾隆三十五年

一運丁正身不押運雇覓匪徒及朮役代運者

押運官罰俸六個月如運官以私事不親身押運起卸已完始行趕到者押運官不行查報照失於查察例罰俸一年巡漕御史照不行詳查例罰俸六個月

乾隆三十五年

一旗丁須僉家道殷實之人著落千總承僉呈報衛守備等官提驗如有掛欠將混行出結之

千總守備降一級調用

乾隆三十六年

一衛所僉丁於乾隆二十七年奏准祇令千總結報衛備知府驗看加結詳道定僉乾隆三十

六年總漕咨明各省每僉一丁向例兼送同知通判驗看胥役既多需索運丁不無守候今已有知府驗看加結嗣後同知通判點驗僉丁之例永行停止

一乾隆三十七年欽奉

諭旨民丁五年編審之例永行停止所有軍丁一項與民戶本不相同且丁戶之數較民戶不及百分之一辦理不致甚繁應於三十八年爲始概按四年一次清查至江南所屬江淮興武二衛之

黃快丁湖廣所屬岳州荊州荊左沔陽四衛之
操軍係續經奏明歸運一體並僉自應與軍丁
一律編查以憑稽覈

一荊州荊右二衛軍丁原有城守班操運赤零
軍等項名色前明衆軍各當其差我

朝定鼎以來裁汰運赤二軍其餘統名操軍分船
派運惟班軍尙未革除尙有相沿充役及出費
雇替乾隆三十九年奏准班軍向來原係與操
軍一例給屯而操軍久經僉運是此項班軍亦

應一體輪僉

一有漕各省衛所軍丁屯住各州縣入籍文武

官員紳士各軍戶應於編審案內分晰呈明某

衛所軍籍字樣庶版籍無紊

乾隆三十九年

一選報快丁嚴禁膏富僉貧嗣後令快丁自行

呈明今貧昔富昔貧今富并令伍長公保該州

縣覆覈即於冊內刪增毋許滋擾

乾隆四十二年

一支領辦運銀米刊刻清單收執以杜侵扣快

丁新僉到幫應支錢糧總歸經支旗丁支領恐

各丁遭其扣剋不敷辦公嗣後責成糧道將旗
丁應支銀米按款刊於清單令新丁收執自無
扣剋之弊

乾隆四十二年

一江淮興武等幫運丁與快丁各半分船分掣
嗣後將運丁之船以運戶更僉快丁之船以快
籍僉補現在快丁未經僉足仍照向例輪僉一
俟僉足卽通詳立案如有應行大造之船兩隻
卽分掣一運一快如係一隻則先運後快其餘
非輪大造無論年分近遠運快各半均分

乾隆四十年

二年

一不諳運務之快丁准其貼費運丁代辦新倉
快丁不善駕運願捐貼費銀一百三十兩給疲
丁代運逢造之年再貼造費銀三百兩以助工
料快丁之名仍列軍冊如不願終貼聽其領船
自運至代運之丁既經受貼設遇風火事故卽
責成照例賠補與快丁無涉

乾隆四十二年

一力薄快丁照什軍之制助其領運江淮興武
二徭各幫並無驛運屯田亦無什軍幫貼新倉

快丁如富戶聽其自爲承運毋庸幫貼其力辦
快丁不能獨運照什軍之例辦理但九丁之中
亦有貧富不齊必責令伍長公同酌議倘伍長
查辦不實查出從重究治并力能幫貼規避不
肯實力出費之快丁倍加貼費以濟貧丁

乾隆四十年

二

一衛籍報捐貢監職銜一切文結概令土著州
縣查辦詳送移衛毋庸該衛驗照取結以免滋
擾如衛丁混填民籍報捐該州縣不詳查軍冊

更正冒昧出結卽將該州縣照例議處并治本

丁脫漏之罪

乾隆四十二年

一江西省僉選運丁令各州縣會同衛弁秉公

選解廳府道查驗倘有遲逾脫逃等事一體嚴

加議處

乾隆四十八年

一江南海州武生張萬祿自首係屬海所軍裔

首告孔永和等隱軍冒民奏明查出海州二所

軍裔共一千四百五十六戶應歸衛備僉選各

戶不諳運務准其公湊津貼銀二萬兩交官生

息置產貼補淮安衛頭二三兩幫運造之費免其
駕運仍於編審軍丁案內一律編查造報乾隆五十年

一大江南北軍戶住址不能盡一有江南軍戶
居住江北亦有江北軍戶住居江南同衛同幫
之丁一遇僉派在江北之丁歸督撫查僉江南
之丁又歸總漕會辦轉覽責成未專應將江南
之江蘇安徽浙江等省專交總漕江西湖北湖
南等省各交該督撫董率僉派以專責成至山

東直隸係江北省分仍交該督撫管理毋庸更
張至各省僉丁或由州縣或由衛備自因情形
不同相安已久應仍其舊惟所僉之丁總由該
管知府糧道驗看取結嗣後如有州縣衛備以
疲報殷僉貧賣富及道府徇隱故縱情弊責成
專管之總漕督撫嚴查重辦外其專歸總漕管
理之省分准各督撫查叅交督撫管理之省分
准總漕查叅互相糾察

乾隆五
十三年

一湖南省運漕五衛除岳州衛屯坐本省岳州

府境易於查察外其荊州荊左右沔陽等四衛屯坐湖北之荊州等府屬境內軍丁散處應統歸湖北查僉仍將該四衛僉定新丁移咨湖南

查照

乾隆五
十三年

一各省輪應四年編審之時將各丁田地房山一併清查於各丁戶口下造冊通齎存案如四年之內家道稍有消乏即可隨時另僉接運以免貽悞倘承僉各官清查不實降二級調用予以實降不准抵銷該管上司分別議處

乾隆五
十四年

一承餉各官除清查軍民產業未實降級調用
外倘有編造遺漏故縱殷富軍丁竄入民籍并
將田產代爲隱匿脫漏者原查州縣衛所官弁
發新疆効力贖罪永不敘用失察之糧道知府
一併革職不准捐復其營謀脫漏之本丁發黑
龍江給與兵丁爲奴該丁兄弟子孫仍編入軍

籍會運

乾隆五十四年

一湖南荆河等四衛軍丁係全衛屯坐湖北若
歸南省會僉恐衛備旗丁舞弊朦僉有悞漕運

若歸北省會僉又因各丁係承辦南省之運似屬兩歧嗣後將僉辦四衛之丁責成該衛備僉定取造年貌家產冊結由該管知府驗看加結送湖南糧道點驗發幫一面將僉定新丁冊結送湖北湖南巡撫會同總督總漕查僉互相稽察其北省散處之丁不過數縣向由北省僉辦無誤仍照舊辦理

乾隆二十四年

一嘉慶四年欽奉

上諭嗣後有漕省分各督撫當嚴飭糧道及州縣衛所

各員於僉丁出運一節務將殷實軍丁僉派充當或一丁力薄卽酌令數家幫貼定爲正副軍丁不許無賴貧丁充數等因欽此

一湖北當陽縣已歸船之運班等軍王從安等四丁從賊爲逆所遺田產畱爲隨船辦運著令現運旗丁承頂當差如運滿另僉卽交接運之丁承管其例不緣坐之族丁不得承頂造入編

審冊內備查

嘉慶五年

一鳳中二幫起運漕糧因虧短米石起卸航延

頭船代辦各丁潛匿不出將該丁分別懲治并飭各糧道嚴飭各丁務須親身運交毋許託人

代辦

嘉慶七年

一江西省僉選運丁向例由州縣僉報衛弁並不經管乾隆四十八年經江西布政使馮應樞條奏令州縣會同衛弁僉報儻有脫逃等事將州縣與衛弁一體嚴加議處嘉慶十年江西糧道張彤奏准仍復舊例專歸州縣僉報

一有漕省分各督撫於僉丁出運務將殷實軍

丁僉派充當或一丁力薄酌令數家幫貼定爲
正副不許無賴貧丁冒混充數並著總漕巡漕
御史實力稽查無許沿途盜賣

嘉慶十年

一民人誤入軍丁經漕運總督咨報是民非軍
取具伍丁里鄰甘結加具府道各結送部准其
於編審冊內開除其造冊舛錯應議各職名咨
部查議

嘉慶十四年

一江西省應造編審丁冊於定例一年半限期
之外准其再展兩個月仍飭按限查造具題報

部 嘉慶十
五年

一東省各幫例係選派老練辦事一人名曰頭
船由道飭令各幫弁詢訪丁情公同結保老成
殷實明白諳練旗丁三人帶赴糧道衙門當堂
關掣頭船一人領辦公事以杜鑽營及勾串科
累之弊 嘉慶十
五年

一全椒衛編審快丁向聽各戶自行開報以致
日久弊生嗣後編審軍丁必須將各丁都圖住
址祖父子孫叔姪兄弟實在年歲姓名及房產

田地驗確開造俾可憑冊選充輪流替運以杜

弊脫

嘉慶十九年

一蘇州太倉鎮江鎮江四衛僉丁案內戶部議
准嗣後造送編冊毋論軍丁曾否及歲均行入
冊造報如有更僉亦卽聲明因何更僉緣由並
註明原甲係屬何丁隨時專案報部以便稽覈

道光

三年

一湖北出運之武昌等六衛所內惟蘄州一衛
之歸船班舍等軍一律勾僉其餘五衛班舍等

軍向係津貼歷未出運道光四年欽奉

諭旨仍照舊章永遠遵行



欽定戶部漕運全書卷二十七目錄

官丁廩糧

俸廉例款

俸廉例款

一各省運軍明季以十三把總統屬軍衛糧運

漕糧我

朝改軍衛指揮千百戶爲守備千百總順治五年
以把總職銜不便相臨領運守備改爲都司僉
書仍食把總俸九年題定照品支食俸薪

一各省領運千總俸薪銀兩舊例不論出運停
運各照額編支領康熙十七年題准出運之年
照例支給不遇出運之年不准關支二十一年

題准候運千總俸工仍照舊例支給

一各省領運官弁及隨幫官先後議給養廉銀
兩江西浙江江南河南等省在藩庫存公耗羨
銀內動支湖南湖北山東等省在有漕州縣派

徵公費銀米內支給

雍正七年

一各省押運丞倅養廉銀兩江西每員給銀二
百兩江南河南每員給銀二百五十兩浙江每
員給銀四百兩均於各本省存公耗羨銀內動
支湖南押運通判每漕米一石徵給公費銀三

釐湖北押運通判於有漕各屬所徵水腳內支

給銀七百兩

雍正九年

一領運千總俸薪浙江江西係按職銜支給山東河南湖廣各照額編經制支領江南各省衛幫每員額給廩工銀九十兩有在道庫支領者有在各府州縣衛所支領者雍正十年酌定新安宣建廬鳳淮揚等衛運隨俸廉銀兩統歸道庫支給

一各省衛所每幫額設隨幫一員向於各衛所

世職內僉選每員額給廩工銀五十四兩雍正
三年停用世職將揀選武舉候推千總人員頂
補額編廩工題明仍照舊例支給十三年宿州
衛二幫隨幫不敷廩工銀兩題准在鳳倉減存
銀內一例增給

上諭自乾隆三年爲始每員歲給銀二十四兩其所需
銀兩續經咨准在各省耗羨銀內動支

一委運千總半役工食銀兩向係扣存解部緣
委官雖有代運之分而半役隨幫供役無異未
便令其枵腹乾隆三年題准無論本官代運半
役工食一體支給

一湖南省隨幫千總照江南之例每員歲給義
廉銀二十四兩於司庫存公銀內動支

乾隆四年

一各省運弁俸工從前各該省或在道庫支領
或在屯折項下按季給發領運未得及時支領
乾隆四年題定江安各幫運弁俸工均在道庫

放給出運之時全數支給候運各弁按季覈給
江蘇白糧千總六員鎮江衛分設中幫千總二
員俸工并鎮江前後兩幫隨幫廩工俱在道庫
支領其蘇太等衛十八員向於屯折項下支給
者改歸道庫減存銀內支給其屯折項下原編
銀兩減存解司浙省出運之年於道庫減存銀
內給發開運之年將該衛所起解屯折先儘存
留按季解司以便支給河南省臨清前後平山
前後德州任城天津等十幫現運之員豫省支

給俸工於開幫之前全數給發徐州前後長淮
三幫新運時赴江安糧道全支通州運弁俸工
赴坐糧廳按春秋二季支領現運軍牢豫省兌
漕時支給湖南省岳州添設千總二員在於道
庫存剩隨漕銀內支給其荊州荊左荊右三衛
千總三員岳州衛千總向在屯折項下支給者
出運之年改於道庫三分公項內全支俟徵解
本款歸補不出運之年照舊支給江西湖北二
省運弁俸工於出運之時卽行全支山東或在

道庫或在衛所按季支給從無遲延仍照舊支給

一江南省押運同知通判每員給養廉銀二百五十兩
浙江省押運同知通判每員給養廉銀四百兩
山東省押運同知通判每員給養廉銀二百五十兩
河南省押運同知通判每員給養廉銀二百五十兩
江西省押運同知通判每員給養廉銀二百兩
乾隆四年奏准江西南省委員酌增銀一百兩
各給銀三百兩
湖北省押運同

判向給養廉銀七百兩湖南省押運通判向給
養廉銀二百八十四兩四錢乾隆五年奏准將
湖北押運通判養廉銀七百兩內撥給湖南押
運二百七兩八錢每省押運通判各得銀四百
九十二兩二錢其幫協銀兩卽令湖南通判押
船過湖北時赴糧道庫支領仍歸各省報銷嘉
慶六年議准各省押運官員不得在隣省借支
養廉如濫行借給除於該員名下追繳銀兩外
仍查取應議職名送部覈議

一江西省南昌等各衛所千總每年應支俸工銀兩因本年未及開徵卽需給發無銀動支乾隆五年咨准於上年漕項屯糧銀內先行通融支給俟各屬徵解歸款

一各官養廉銀兩例應各按在任月日截給扣支因各省領運員弁養廉按年給發遇有陞遷事故前官支去後官無著殊未允協乾隆五年咨行各省照例按月扣給如有空曠追出貯庫一各省衛所千總乾隆六年咨准出運養廉內

按照閭連應得之數劃出作爲一股以次年正月初一日起計至年底三百六十日各按前任署任新任各員在任月日扣算截支其餘加給出運銀兩劃作一股以辦漕之日起按前任接任各員辦漕月日扣算截支

一運隨員弁支給廩工例有定額不得增減江省淮大二衛領運千總向例於隨幫支給廩工之外復於淮關四稅項下支給銀二十四兩硃不畫一乾隆八年咨准將淮關銀兩停其支給

以昭畫一

一總漕以及南漕御史養廉銀兩向係各道解送蘇松江安浙江三道歲解總漕養廉銀各六百六十兩南漕御史養廉銀各八十二兩五錢俱在平餘備公銀內動支山東糧道歲解總漕養廉銀六百六十兩內六百兩動藩庫耗羨其餘六十兩并南漕御史養廉銀八十二兩五錢係糧道捐解河南糧道歲解總漕養廉銀六百兩南漕御史養廉銀八十二兩五錢俱在糧道

養廉公費餘剩項下動支湖南糧道歲解總漕
養廉銀六百六十兩南漕御史養廉銀八十二
兩五錢係漕費充公銀內動解湖北糧道歲解
總漕養廉銀六百六十兩南漕御史養廉銀八
十二兩五錢於漕項報部充公款內支解江西
糧道歲解總漕養廉銀六百六十兩在公用耗
羨銀內動解南漕御史養廉銀八十二兩五錢
係糧道捐解又兩淮運使歲解養廉銀三千兩
長蘆運使歲解養廉銀一千兩至北漕御史向

無議解養廉銀兩乾隆八年奏准總漕養廉銀
兩飭令各道每年照數解送其原解南漕御史
養廉共銀六百六十兩分給淮安御史銀二百
四十兩濟寧御史銀二百兩天津御史銀一百
二十兩通州御史銀一百兩嘉慶七年議准巡
漕御史額支養廉銀兩按照視事月日覈計支
給所有截曠銀兩解部交納

一運隨員弁領過出運俸廩養廉銀兩乾隆八
年咨准如在次截畱船糧按數追繳如船糧已

經開行截留者按在次辦漕日起至回次日止
扣追

一湖南省領運千總例係按本幫正米每石給
銀五釐以爲盤費之用每幫約得銀一百六七
十兩不等乾隆九年因該省米石截留正米減
少盤費銀兩不敷題准於漕費銀內酌爲添足
一各省領運千總養廉銀兩向係各按在任月
日截給扣支如有空曠餘剩按數追繳至隨幫
遇有陞遷事故飭委別員兼押乾隆十四年議

以領過養廉各按辦運月日分支如有空曠餘
剩照數追繳至廩工銀米既於本任內應得復
於兼押任內分支是一年而食兩任之俸與例
未符不准分支

一向例江安省押運廳員每員給養廉銀二百
五十兩領運千總每員給養廉銀二百兩押空
武舉每員給養廉銀二十四兩於頭年冬初在
司庫耗羨款內預放嗣因議令直省各官養廉
或按月支給或按季支給不得預支借支惟領

押員弁押運漕糧抵通長途盤費旣不便按月
支給亦未便全年支給乾隆十四年咨准領押
員弁先放一半隨幫先給銀十四兩餘俟運回
抵次之日按數找給

一總漕每年養廉銀九千五百二十兩在各省
糧道並淮安山東運司於存公平餘等項銀內
解送爲辦漕并押運赴京盤費向係押漕抵淮
之日卽將一歲銀兩統爲解送致有虧缺乾隆
十五年奏准嗣後令各糧道并各運司將應解

銀兩統於一歲解交淮安府知府封貯府庫按季解交總漕衙門查收如有預支借支并侵挪虧缺等弊卽將該府題叅

一各省出運千總額給養廉向作三百六十日計算如遇中途事故改委別員各按辦漕日期扣算截給乾隆十七年咨准如遇有閏之年作三百九十日計算分支以昭畫一

一江南江興等衛繁缺守備每員歲支養廉銀五百兩鳳陽長淮二衛守備向係簡缺每員四

百兩嗣因鳳中衛歸併鳳陽衛宿州衛歸併長淮衛改爲繁缺乾隆十七年奏准每衛每年增給養廉銀一百兩以資辦公增給銀兩在原裁鳳中宿州二衛歸公養廉銀內動給

一江南省各衛幫額設千總二員係遞年輪運停運之年額給養廉銀六十兩出運之年額給二百兩向例均於頭年辦漕之日照數全支乾隆十八年咨准出運千總額支養廉銀兩於頭年辦漕日起至次年回空以後扣足一年再給

閒運養廉庶遞年覈算月日不致參差

一浙江省出運千總如在途推陞新任頂缺之
官又經到任前官原未卸事出運俸工並不截
扣接任千總以到任日期起在於司庫覈給俸
工乾隆十九年咨准江南省出運千總如有在
途推陞俸工銀兩照浙省之例准其支食新補
之員按到任日起在屯折項下支給

一押運千總在途病故全支俸工銀兩免其追

繳

乾隆二
十二年

一山東省德州衛千總俸工銀兩向於豫省隨漕支給因豫省漕糧停運俸工無著循例在東

省藩庫內支給

乾隆二十三年

一江西北湖北湖南向俱有押運抵淮通判湖南湖北每員給盤費銀一百兩江西每員給銀八十兩乾隆二十三年奏准押淮之員概行停止一安慶衛幫添設千總二員以鳳中三幫裁缺于總俸工抵給添設隨幫一員俸工同千總行糧本折銀米在於漕項減存銀內動支其鳳中

三幫裁缺千總原領准倉折色行糧銀兩歸入

減存解部

乾隆二十四年

一山東省閘內押運通判照押運薪糧之例酌

給盤費銀四十兩在於道庫見石銀內動給

乾隆

二十七年

一總漕向支二品俸銀一百五十五兩今兼尚

書銜應支一品俸銀一百八十兩在於山陽縣

編徵并地丁徵存項下批解

乾隆二十七年

一湖南岳州衛千總三員裁減一員撥歸沔陽

其沔陽衛千總添設德安所撥歸沔陽之千總
應食俸工自將該衛存留項下額編俸工照數
支給出運之年應得通關銀一百六十六兩八
錢零於湖南省有漕州縣按米徵給其德安所
添設之千總俸工銀九十兩在湖北司庫屯餉
銀內動支出運之年給米一百九十石於有漕
州縣截貼米內支給停運之年給養廉銀四十
兩於道庫抵兌節省水脚銀內動支歸湖北糧
道衙門查辦至岳州衛裁去千總原支俸工銀

兩扣除充餉

乾隆三十二年

一各衛備弁遇有俸滿卓異陞遷等事赴部引

見如係交卸本任事務另委別員接署者照依道府以下之例住支養廉其隨漕領運因便給咨赴部引

見以及奉委在北辦差之員與徑行交卸本任引

見者不同仍照舊例全支養廉以資辦公

乾隆三十九年

一乾隆四十九年東省漕糧奉

旨截留運赴豫省以資賑需糧道辦理撥船事宜檄委

通判宋聖圖督押於庫貯見石銀內動給銀四

十兩以資往返盤費

乾隆五十年

一安徽省重運隨幫千總委令出運之年重運額給養廉銀二百兩隨幫額給養廉銀二十四兩如重運千總中途遇有事故離幫委本幫隨幫千總代押抵通其應支銀兩照文職官員署任兼本任者全支本任養廉半支署任之例嗣後隨幫千總代押重運應給養廉統令全支隨

幫半支重運

乾隆五十年

一江南省現任千總每員額支俸工銀九十兩
養廉銀二百兩今宣州幫徐州衛江北幫揚州
衛二幫千總各委運江西永建等幫船糧江西
省成例向不支給委弁現運俸廉祇有分給辦
漕盤費並工食銀兩不足以資薪水所有委弁
俸廉應於江南本任支食將江西省給過辦漕
盤費并工食銀兩扣除外餘仍按數找支

乾隆五十年

三

一江安糧道所屬千總俸工無論出運候運均

於道庫漕倉正銀內支給蘇松糧道所屬蘇州等衛幫千總俸工應請一律於道庫漕項正銀內動支候運之員按季支給現運之員於運前先給半年俸薪全年役食運回找給其鎮江前後隨幫廩工亦照蘇太等衛之例一體支給如有例應撥給俸工并中途事故等項應須扣繳俸工銀兩隨時查明覈給

乾隆五十四年

一山東省運隨幫弁向無額設養廉祇按起運

糧石之多寡每石覈給運弁銀五釐隨幫銀一

釐在隨正徵收一五消耗內分別覈支名爲見
石盤費今臨清前幫向係兌運夏津等州縣漕
糧因災派減全不出運運隨員弁養廉無從支
取題明照五十三年停運之例按該幫應運夏
津等州縣蠲緩數目覈算支領見石盤費十分
之五運弁應支每石二釐五毫銀隨幫應支每
石五毫銀在糧道庫存薊糧漕耗銀內動給
乾隆

六十
年

一臨清等幫蠲漕減歇見石銀兩照普免漕糧

支給一半盤費之例按蠲免正米麥豆找支十

分之五在薊糧漕耗餘剩銀內動支

嘉慶元年

一江南省千總委運山東漕糧照山東之例分
股覈算給與見石五釐養廉銀兩在於江南省
漕項下給發造報其山東省扣存銀兩歸入漕

項奏銷案內報部

嘉慶三年

一山東糧道及協運豫省運弁俸工養廉等項
銀兩於道庫存貯漕倉耗羨銀內坐扣按日支
食其專運東省十幫運弁俸廉銀兩除現運之

年仍舊於州縣徵收漕耗銀內按每石給盤費銀五釐外閒運之年亦於道庫耗羨銀內支發

嘉慶

五年

一協運豫省之徐州衛河南前後兩幫運弁應支養廉銀兩改歸江安糧道衙門支給以歸畫

一

嘉慶五年

一江西省停運守備千總應支俸工等銀向在藩庫支領部議改歸道庫支放又應給運隨養廉辦漕公費並總運丞倅盤費等銀均由糧道

造入漕項奏銷冊內覈計考成

嘉慶六年

一江安蘇松所屬領運千總等應支養廉銀兩

仍照舊定章程辦理毋庸改歸糧道衙門

嘉慶六年

一通州幫左右兩所千總每年應得養廉係在

直隸布政司衙門支領俸薪銀兩係在坐糧廳

衙門支領天津幫左右兩所千總應支出運開

運養廉俱在本省藩庫支領

嘉慶六年

一湖北省領運開運千總等應支養廉銀兩照

新例改歸糧道在於漕項耗羨銀內動支其運

弁額支俸薪廩工役食遇有空缺降革等事仍

照舊例按日扣解充餉

嘉慶七年

一湖南省領運各弁應領俸工廩廉等銀照新

例在於糧道徵收漕項耗羨銀內動支遇有應

扣缺罰銀兩查照舊例按日扣存解司

嘉慶七年

一捐復在淮候補千總委運漕糧准給一半養

廉銀以資辦公

嘉慶九年

一湖北省每年解支總漕養廉工食及書吏飯

食等項銀兩歷在各屬徵解水腳項下動用嘉

慶十二年各州縣應徵水腳隨漕分年緩帶所有應解總漕養廉等銀飭令各屬先行墊解供支俟初限帶徵水腳開銷造報

一運弁運後被叅所有支過俸薪行糧銀兩免

其追繳

嘉慶十二年

一浙江省押空千總代押重運向不支領養廉

役工銀兩不准咨請補給

嘉慶十三年

一宿州頭幫千總委運湖北二幫船糧應支俸工養廉銀兩除湖北省支過銀兩外其應找支

銀兩照例按數補給

嘉慶十五年

一江南領運興武七幫揀選守備馬振邦委署

千總任內並未支給俸工行糧等銀長途資斧

無出咨准支食半廉銀兩以資辦公

嘉慶十七年

一山東臨清前等幫委標員王啟麟等領運准

照署事運弁之例支給牢役工食其半廉銀兩

不准支給

嘉慶十七年

一江南試用千總于龍昇委押揚州頭幫運務

支過一半養廉銀兩與例不符行令按數追繳

歸款

嘉慶十八年

一浙江江南各幫試用千總委押重運所有一半養廉銀兩應照江廣東豫等省並不支食之

例一律停給以歸劃一

嘉慶二十四年

一總漕養廉向無前後任併支之例所有動支司庫截曠養廉銀兩行令如數解還報撥

道光六年

一各省運糧千總中途遇有事故遴委別省千總接運者照領漕省分應支俸廉數目各按接運卸事日期分別支給

一山東省各幫出運千總遇有事故委別省千
總署理者如委實缺人員署有員之缺不食俸
祇准支食役工並一半養廉署無員之缺支食
俸工並一半養廉銀兩

以上道光三十年

欽定戶部漕運全書卷二十八目錄

官丁廩糧

衛幫額支